



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 209

DATUM: 25.12.2015.GODINE



Usluge Saveza: PRAVNO SAVJETOVALIŠTE:

Selma Fišek, viši saradnik za pravna pitanja
Fax: +387 33 552 810
selma@sogfbih.ba

FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
Fax: + 387 33 552 810
dzenita@sogfbih.ba

Sadržaj biltena:

Održana deseta sjednica Predsjedništva Skupštine Saveza općina i gradova Federacije BiH

Predsjedništvo Saveza usvojilo Strategiju obuke

Objavljen bilten broj 3 u okviru Projekta LOD IV

Obnovljen Baščaršijski trg u Starom Gradu

Završen UNDP projekat za Općinu Goražde u vrijednosti od 500.000 KM

Održana radionica na temu Priprema Sektorskog planskog dokumenta IPA II

Novčana pomoć od 500 KM za 46 porodica sa troje i više djece

U Konjicu otvoreni novi pogoni firme SurTec Eurosjaj- zaposleno 50 radnika

U Grudama prikazan film "6 desetljeća Općine Grude"

Općina Bosanska Krupa dobila priznanje za izuzetan doprinos u razvoju "omladinske politike"

Bilten Saveza općina i gradova Federacije Bosne i Hercegovine

ODRŽANA DESETA SJEDNICA PREDSEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE

U Gradskoj upravi Grada Sarajeva je 17. decembra/prosinca održana Deseta sjednica Predsjedništva Skupštine Saveza općina i gradova Federacije BiH, na kojoj su razmatrane aktuelne zakonodavne i projektne aktivnosti Saveza. Predsjedništvo Saveza je usvojilo zapisnike sa sjednica Komisije za ustavna i zakonodavna pitanja, Komisije za ekonomski razvoj općina i gradova i finansije i Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša. Također su razmotreni i prijedlozi Saveza za izradu Zakona o pripadnosti javnih prihoda u Federaciji Bosne i Hercegovine, a koji će biti upućeni Federalnom ministarstvu finansija/financija.



Sa Sjednice Predsjedništva

U sklopu projektnih aktivnosti članovi Predsjedništva Saveza su razmatrali i prihvatili Nacrt strategije obuke za uposlenike i izabrane zvaničnike u jedinicama lokalne samouprave u Federaciji BiH za period 2016.-2020.g., zatim Informaciju o realizovanim aktivnostima Saveza u okviru Projekta „Jačanje lokalne demokratije“ - LOD IV kao i Informaciju o realizovanim aktivnostima Saveza u okviru Projekta „Integrirani lokalni razvoj“ - ILDP.

Predstavnik UNDP-a izvijestio je o dinamici realizacije njihovog projekta od značaja za jedinice lokalne samouprave pod nazivom „Jačanje uloge mjesnih zajednica u Bosni i Hercegovini“. Članovi Predsjedništva još jednom su istakli značaj dodatnog osnaživanja jedinica lokalne samouprave u Federaciji BiH kroz prilagođavanje trenutnog zakonskog okvira viših nivoa vlasti zahtjevima Evropske povelje o lokalnoj samoupravi putem kojeg bi općine i gradovi mogli u punom kapacitetu ostvarivati vlastite nadležnosti utvrđene i Zakonom o principima lokalne samouprave u Federaciji BiH. Na ovaj način bi se općinama i gradovima istovremeno stvorila mogućnost za dodatno prihodovanje i bolje opsluživanje svih potreba lokalnog stanovništva. Na kraju je još jednom ponovljen zaključak Saveza kako je neophodno putem zakonske regulative izuzeti općine i gradove od otplate dugovanja prema Međunarodnom monetarnom fondu u čijem stvaranju nisu učestvovala jedinice lokalne samouprave.

PREDSEDNIŠTVO SAVEZA USVOJILLO STRATEGIJU OBUKE

Strategiju obuke za uposlenike i izabrane zvaničnike u jedinicama lokalne samouprave u Federaciji Bosne i Hercegovine za period 2016. - 2020. pripremila je Radna grupa za izradu Strategije koju je 30. juna 2015. godine formiralo Koordinaciono tijelo za obuku. Radnu grupu su činili članovi Koordinacionog tijela za obuku, predstavnik Stručne službe Saveza općina i gradova FBiH i kontakt osoba za obuku iz Grada Tuzla.

Koordinaciono tijelo čine:

1. Enver Išerić, Federalno ministarstvo pravde - Zavod za javnu upravu, predsjedavajući;
2. Harun Pindžo, Federalno ministarstvo pravde - Zavod za javnu upravu, član;
3. Ferid Kulovac, Agencija za državnu službu Federacije Bosne i Hercegovine, član;
4. Samra Ljuca, Agencija za državnu službu Federacije Bosne i Hercegovine, član;
5. Dragomir Lučić, Općina Kiseljak, član;



Opći cilj Strategije je „Stabilan i održiv sistem obuke za jedinice lokalne samouprave u Federaciji Bosne i Hercegovine, koji kroz svoju učinkovitost, podupire provođenje reformskih procesa i unapređuje kvalitet usluga prema građanima.“

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

6. Miroslav Lucić, Općina Domaljevac - Šamac, član.

Dragovor Lučić i Miroslav Lucić su predstavnici u ime Saveza općina i gradova FBiH.

Koordinaciono tijelo je formirano Rješenjem o imenovanju članova Koordinacijskog tijela za obuku u okviru Sistema obuke za jedinice lokalne samouprave u Federaciji Bosne i Hercegovine. Rješenje je donijela Vlada FBiH 18. marta 2015. godine ("Službene novine FBiH", br. 24/15).

Pored članova Koordinacionog tijela, Radna grupa za izradu Strategije, činili su još:

1. Edin Demirović, Saveza općina i gradova FBiH

2. Maja Jašaragić Suljanović, kontakt osoba za obuku, Grad Tuzla.

Radna grupa je radila etapno, slijedom četiri tematska sastanka koja su organizovana i vođene uz podršku UNDP - MTS projekta i ekspertsku pomoć Ermina Cere, koji je angažovan od strane UNDP-a:

- Prva radionica (3. septembar 2015.) je imala informativno - radni karakter i na njoj je razmatrana predložena dinamika, postupak i metodologija izrade Strategije, referentni normativni i strateški okvir, utvrđena odgovornost i postavljeni zadaci, te usaglašen vremenski okvir za izradu radnog dokumenta strategije;
- Druga radionica (14. i 15. septembar 2015.) bila je tematski posvećena izradi situacione analize te definisanju općeg cilja i budućih pravaca djelovanja;
- Treća radionica (29. i 30. septembar 2015.) se odnosila na definiranje i razradu strateških ciljeva;
- Četvrta radionica (14. i 15. oktobar 2015.) je organizirana kako bi se izradio plan praćenja sprovođenja strategije, definisali mehanizmi koordinacije ključnih aktera te utvrdio okvirni plan finansiranja. Shodno tome, Strategija obuke za uposlenike i izabrane zvaničnike u jedinicama lokalne samouprave u Federaciji BiH za period 2016-2020. nastala je kao rezultat zajedničkog promišljanja i nastojanja ključnih aktera da se uredi sistem obuke koji će trajno doprinositi razvoju ljudskih resursa u Federaciji BiH. Uvažavajući pristigle sugestije, Predsjedništvo Saveza je tekst Strategije razmatralo, 17. decembra 2015. godine, i na isti dalo saglasnost, sa zaključkom da kao prijedlog, tekst Strategije zajedno Savez i Agencija za državnu službu FBiH ponude Vladi Federacije Bosne i Hercegovine na usvajanje do kraja godine.

Opći cilj Strategije je „Stabilan i održiv sistem obuke za jedinice lokalne samouprave u Federaciji Bosne i Hercegovine, koji kroz svoju učinkovitost, podupire provođenje reformskih procesa i unapređuje kvalitet usluga prema građanima.“

U okviru Strategije izrađena su četiri strateška cilja:

1. Osiguranje finansijske održivosti sistema obuke;
2. Jačanje kapaciteta aktera sistema obuke i razvoj mehanizama njihove koordinacije;
3. Unapređenje kvaliteta i metoda mjerenja učinka obuka;
4. Jačanje svijesti o značaju obuke i osiguravanje podrške sistemu obuke od strane JLS i drugih aktera.
5. Za svaki od strateških ciljeva definirani su ciljni pokazatelji uspjeha realizacije strateškog cilja. Strateški ciljevi su dalje razrađeni na programe, a programi na mjere. U okviru Strategije urađen je i okvirni akcioni plana provedbe.

Tekst prijedloga Strategije dostupan je na sljedećem linku: <https://www.dropbox.com/s/7ric80htibwy28p/Strategija%20obuke%20za%20JLS%20FBiH%202016.%20-%>



Sa prve radionice održane na Vlašiću

OBJAVLJEN BILTEN BROJ 3 U OKVIRU PROJEKTA LOD IV

Na linku možete preuzeti novo izdanje LOD IV biltena, odnosno projekta „Jačanje lokalne demokratije / demokracije“ (LOD), kojeg finansira Evropska unija (EU), a već petu godinu sprovodi Razvojni program Ujedinjenih nacija (UNDP) u Bosni i Hercegovini.

Ovo je treće izdanje biltena. U njemu možete naći tekstove iz partnerskih i pridruženih jedinica lokalne samouprave koje su uključene u LOD IV projekat, kao što su:

- Igra i učenje za najmlađu generaciju cazinjana;
- U Sarajevu održana „akademija mladih poduzetnika“;
- U dvorišta maglajskih škola postavljeni šareni kontejneri.

Biltens br. 3 LOD IV možete pogledati na sljedećem linku:

Gledajte Savez općina i gradova
Federacije Bosne i Hercegovine na



<https://www.dropbox.com/s/9qe2jk9gww5b2np/LOD%204-bilten-3-2015.pdf?dl=0>

http://www.ba.undp.org/content/dam/bosnia_and_herzegovina/docs/Research&Publications/Poverty%20reduction/LOD%204-bilten-3-2015.pdf

Partnerske i pridružene jedinice lokalne samouprave koje su uključene u LOD IV projekat su: Domaljevac - Šamac, Cazin, Novo Sarajevo, Visoko, Maglaj, Žepče, Berkovići, Šekovići, Kotor Varoš, Dobo, Šamac, Bijeljina, Nevesinje i Distrikt Brčko.

OBNOVLJEN BAŠČARŠIJSKI TRG U STAROM GRADU

Svečana manifestacija povodom rekonstrukcije Baščaršijskog trga održana je 24. decembra/ prosinca. Ovaj projekt realizovan je od septembra do decembra ove godine, usljed dotrajalosti podzemnih instalacija, te velikih oštećenja i nefunkcionalnosti kamenih ploča na površini Trga koje nisu mijenjane više od 30 godina. Uklonjen je kompletan površinski sloj, a potom je izvršena izmjena i sanacija podzemne infrastrukture - vodovodne, kanalizacione, plinske, telekomunikacijske i elektroinstalacije.



Po završetku ovih radova, Baščaršijski trg je popločan pravougaonim kamenim pločama od jablaničkog rodolita, poput onih kojima je prethodno rađena rekonstrukcija ulica Sarači i Bravadžiluk, čime je baščaršijsko jezgro dobilo jedinstven vanjski izgled.

Postojeća javna rasvjeta je sanirana, postavljeno je 16 novih visokoefikasnih LED svjetiljki, vraćen stub prve električne javne rasvjete u Sarajevu iz 1895. godine, ugrađene dvije kamene klupe i ponovo postavljen javni gradski sat.

Projekat rekonstrukcije Baščaršijskog trga, vrijedan oko 1,2 miliona konvertibilnih maraka, finansirali su u jednakim omjerima Općina Stari Grad Sarajevo i njena pobratimska Općina Osmangazi (Bursa) iz Republike Turske. Implementator projekta bila je Turska uprava za međunarodni razvoj i saradnju (TIKA).



Grb Općine Stari Grad Sarajevo

ZAVRŠEN UNDP PROJEKAT ZA OPĆINU GORAŽDE U VRIJEDNOSTI OD 500.000 KM



Povodom završetka radova u okviru projekta „Saniranje klizišta u naselju Grabovik“, mjesna zajednica Goražde I i mjesna zajednica Goražde II 24. decembra/ prosinca je organizovana svečanost zvaničnog završetka radova.

Riječ je o projektu koji je realizovan na bazi višegodišnje saradnje između Općine Goražde i UNDP-a u okviru kojeg je urađeno ukorićavanje Podhranjenskog potoka sa lijeve i desne strane u dužini od oko 300 metara, a također su urađene i drenaže niz padinu.

Vrijednost projekta je 500.000,00 KM, od čega će Općina Goražde isti finansirati sa 10 posto od ukupne vrijednosti samog Projekta.



Grb Općine Goražde



Cilj radionice je da kroz konsultacije sa jedinicama lokalne samouprave dođu do adekvatnih potrebe, kao i da se sredstva IPA II kroz komponentu integrisanog ekonomskog razvoja usmjere direktno prema jedinicama lokalne samouprave,



Grb Općine Novi Grad Sarajevo

Povodom završetka radova na pomenutom Projektu, današnjoj svečanosti prisustvovao je načelnik Općine Goražde Muhamed Ramović sa saradnicima, koji je tom prilikom u izjavi za medije istakao: "Ovo je jedan od velikih projekata koji smo aplicirali prema UNDP-u i projekat je prošao. Mi sufinansiramo sa negdje oko 10% zajedno sa Vladom BPK. Projekat je vrijedan oko 500.000,00 KM. Radove je izvela firma iz Goražda, a UNDP je raspisivao tender, mi smo samo bili servis u ovom Projektu. Ovim Projektom riješili smo najmanje tri problema, a to je klizište u naselju Grabovik, ukoristili smo Podhranjenski potok na najsavremeniji način i treće dobili smo i taj urbani dio u ovom dijelu grada, gdje će biti park i još neki sadržaji. Želimo da uradimo još dvije faze prema gradu i prema Industrijskoj zoni 'Pobjeda' i to ćemo uraditi sa projektom Svjetske banke koji je prošao. Hidroelektrana Višegrad ima obaveze prema ovom Projektu po potpisu iz 1991. godine prema kojem su i oni obavezni da i oni dio ovog Projekta prihvate u šta i ne sumnjam, jer će vrlo brzo biti pregovori."

Pomenuto klizište u naselju Grabovik registrovano je u ranijem periodu, tačnije 2010. godine i nastalo je od posljedica uticaja povratnog talasa rijeke Drine u vrijeme decembarskih poplava. Do njegovog ponovnog aktiviranja došlo je 2012. godine prilikom snježnih padavina, a posebno u mjesecu maju 2014. godine, kada se aktiviranjem ovog klizišta urušio most na Podhranjenskom potoku što je dovelo do prekida pristupnog puta za kuće koje se nalaze na desnoj obali potoka.

ODRŽANA RADIONICA NA TEMU PRIPREMA SEKTORSKOG PLANSKOG DOKUMENTA IPA II



Sa Radionice

U Hotelu Bristol je 23. decembra/ prosinca održana radionica na temu Priprema Sektorskog planskog dokumenta za period 2016-2017 za IPA II u oblasti konkurentnost i inovacije. Cilj navedene radionice jeste da kroz konsultacije sa jedinicama lokalne samouprave dođu do adekvatnih potrebe, kao i da se sredstva IPA II kroz komponentu integrirani ekonomski razvoj usmjere direktno prema jedinicama lokalne samouprave, kroz grantove i tehničku

pomoć usmjerenu ka unapređenju privrede. Očekivana sredstva kroz navedeni instrument podrške za BiH iznose cca. 20 miliona eura. Radionicu su organizovali Direkcija za evropske integracije, Savez općina i gradova Federacije BiH i Savez opština i gradova Republike Srpske. Pored predstavnika Saveza, na radionici su prisustvovali predstavnici: Gračanice, Orašja, Novog Grada Sarajevo, Čitluka, Jajca, Cazina, Tešnja, Tuzle i Zenice. Na samom početku su Andrijana Dujmenović iz Orašja i Muhsin Ibrahimagić iz Zenice prezentirali osnovne informacije o projektu integriranog lokalnog razvoja koje je njihova lokalna samouprava provela. Podijeljeni u pet grupa, Direkcija za evropske integracije je dobila od predstavnika općina i gradova stvarne potrebe za izradu Strateškog planskog dokumenta iz oblasti: regulative, izvoza orijetnisanih firmi, sticanja i unaprijeđenja vještina radne snage, potreba novih firmi i unaprijeđenja turizma. Na kraju radionice, predstavnici Direkcije za evropske integracije su se zahvaliti svim prisutnima i ocijenili radionicu uspješnom.

NOVČANA POMOĆ OD 500 KM ZA 46 PORODICA SA TROJE I VIŠE DJECE

U Općini Novi Grad Sarajevo je 21. decembra/ prosinca upriličeno svečano uručenje rješenja za dodjelu jednokratne novčane pomoći za još 46 porodica koje su u ovoj godini dobile treće, četvrto, svako naredno dijete i blizance.

U ugodnoj atmosferi i uz nesvakidašnje druženje sa najmlađim sugrađanima naše općine i njihovim roditeljima, rješenja su uručili načelnik Općine Novi Grad Sarajevo Semir Efendić i predsjedavajuća Općinskog vijeća Novi Grad Edina Gabela.

„Danas smo uručili rješenja za 46 porodica kojima će biti uručena novčana pomoć, odnosno nagrada za dobitak trećeg i svakog narednog djeteta i blizanaca. Zajedno sa današnjim porodicama, u ovoj godini novčanu pomoć dodijelili smo za ukupno 120 novogradskih porodica.



Za tu namjenu iz ovogodišnjeg budžeta izdvojeno je 60.000 KM, a imamo potrebu da i u narednoj godini izdvojimo nešto više sredstava, kako bi nastavili sa ovim programom. Sretni smo da kao Općina možemo obradovati naše sugrađane, koji su se opredijelili da imaju ovako velike porodice", rekao je načelnik Efendić. Podsjetio je da je Općina Novi Grad, po broju stanovnika najveća općina u FBiH, te da je u protekle dvije godine zabilježen trend rasta broja upisane djece u prvi razred osnovnog devetogodišnjeg obrazovanja.



Novčanu pomoći u iznosu od po 500 KM, dobit će porodice koje su dobile treće, četvrto i svako naredno dijete, kao i porodice koje su dobile blizance bez obzira koje su po redu dijete.

U KONJICU OTVORENI NOVI POGONI FIRME SURTEC EUROSJAJ— ZAPOSLENI 50 RADNIKA



24 decembra/ prosinca je u kompaniji SurTec Eurosaj u Konjicu svečano puštena u pogon proizvodna linija za toplo pocinčavanje čelika. Svečanom puštanju linije su prisustvovali Federalni premijer Fadil Novalić, predstavnici Općine Konjic sa načelnikom Emirom Bubalom, predstavnici Udruženja privrednika općine Konjic i predstavnici firmi iz sektora metalske industrije iz Konjica kao što su Igman, Graewe, Štancovani dijelovi, Alatnica i drugi. Nakon obilaska proizvodnih pogona SurTec Eurosaj, upriličeno je presjecanje svečane vrpce u

novoizgrađenom objektu tople cinčane. U novi pogon je zaposleno oko 50 ljudi i plan proizvodnje za prvu godinu je 6.000 tona pocinčane robe sa tendencijom povećanja. Toplo cinčanje je dosad najefikasnija i ekološki najprihvatljivija zaštita čelika od korozije u svijetu. Područje primjene toplo pocinčanih proizvoda je široko: oprema za ceste, rasvjetni stubovi, armature za betoniranje, automobilska industrija, željeznice, elektroprivreda, poljoprivredne konstrukcije, razne ograde, čelične rešetkaste konstrukcije, komunalna oprema, metalne cijevi razne namjene, te gotovo svi ostali čelični proizvodi izloženi atmosferskim utjecajima.

SurTec - Eurosaj d.o.o. je bosansko-hercegovačko preduzeće osnovano 1996. kao "joint venture" sa firmom SurTec International (Njemačka), jednim od vodećih proizvođača specijalnih hemikalija za površinske zaštite metala u Evropi.

Nakon 20 godina postojanja i kontinuiranog razvoja firma SurTec Eurosaj posjeduje 20 različitih tehnologija površinske zaštite metala, 205 zaposlenih i prati najnovije trendove tehnologija u površinskoj zaštiti metala.

Za iduću godinu je planirano instaliranje nove linije KTL - katarforezno lakiranje koja će zadovoljiti najveće zahtjeve trajnosti lakiranja i zaštite robe. Zatim i uvođenje metod selektivne zaštite — što je jedna novina na našim prostorima.

*U novi pogon je zaposleno
oko 50 ljudi i plan
proizvodnje za prvu godinu
je 6.000 tona pocinčane
robe sa tendencijom
povećanja. Toplo cinčanje
je dosad najefikasnija i
ekološki najprihvatljivija
zaštita čelika od korozije u
svijetu.*

U GRUDAMA PRIKAZAN FILM "6 DESETLJEĆA OPĆINE GRUDE"

U kino dvorani u Grudama upriličeno je 14. decembra/ prosinca prikazivanje dokumentarnog filma o povijesti Gruda „6 desetljeća općine Grude“ redatelja Miljenka Karačića.

Film govori o povijesti i nastanku Gruda, o njegovim bitnim i važnim detaljima, broju stanovnika i zaposlenih. Također su spomenute okolne župe te vrijedna povijesno kulturna baština.

Ante Plejić, Jozo Marić, Petar Čorluka, fra Ante Marić i Ljubo Grizelj govorili su u filmu.

U programskom odboru za izradu filma bili su: Ljubo Grizelj, Draženko Vranješ, Marijan Bušić, Petar Majić, Mile Pejić i Mario Bušić. Tekst je čitao Rober Pehar



Grb Općine Grude



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova
Federacije Bosne i Hercegovine na



Pratite Savez općina
i gradova FBiH na



OPĆINA BOSANSKA KRUPA DOBILA PRIZNANJE ZA IZUZETAN DOPRINOS U RAZVOJU „OMLADINSKE POLITIKE“



društvene biznise". Značajan broj svih tih priznanja otišao je u Bosansku Krupu.

Načelnik Armin Halitović primio je priznanje koje je Općina Bosanska Krupa dobila za izuzetan doprinos u razvoju Omladinske banke, tj. podršku programa i sufinansiranje 15 projekata koje su u ovoj godini osmislili i realizirali mladi iz Bosanske Krupe.

Među 10 od 280 najaktivnijih i najprepoznatljivijih mladih ljudi koji u svojim lokalnim zajednicama širom BiH koordiniraju programom i koji su za to dobili priznanje su i dvoje Krupljana. Mirhat Bešić se zahvaljujući svom zalaganju našao na 3., a Melisa Jogić na 4. mjestu.

"Danas sam zaista sretan i ponosan. Biti uz mlade sugrađane čiji su angažman među stotine mladih iz čitave BiH prepoznali i u Sarajevu im za to dodijelili priznanje nije mala stvar. Zahvaljujući njima ime naše općine nekoliko je sati odzvanjalo u sarajevskom Domu mladih. Ja im od srca čestitam i želim da istim ili čak većim tempom ako mogu nastave u budućnosti, te naravno poručujem da će i dalje imati moju maksimalnu podršku", ističe Armin Halitović.

Inače, kroz program "Omladinska banka" u 2015. godini, u 28 općina/opština u kojima se realizuje, podržano je 165 omladinskih projekata u kojima je učestvovalo 1.756 mladih osoba.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Grb Općine Bosanska Krupa

"Danas sam zaista sretan i ponosan. Biti uz mlade sugrađane čiji su angažman među stotine mladih iz čitave BiH prepoznali i u Sarajevu im za to dodijelili priznanje nije mala stvar.

Zahvaljujući njima ime naše općine nekoliko je sati odzvanjalo u sarajevskom Domu mladih", rekao je Armin Halitović.